

Uniun da dunnas da Ruschein e Ladir

L'Uniun da dunnauns e mattauns da Ruschein ei vegnida fundada ils 7 da matg 1939 sin iniziativa da sur Anton Cadalbert. El leva cumprar nova paramenta per la baselgia, rassas da ministrar e cozzas pigl altar. Las dunnas e lur emprema presidenta, Maria Ursula Coray-Cadruvi, ein secapescha stadas promtas da segidar. Ellas han entschiet a rimnar launa nuorsatiels purs e vender quella per recaltgar daners.

L'entschatta dils onns sissonta, suenter che las dunnas han giu contonschiu l'emprema finamira dall'uniun, han ellus entschiet ad organisar cuors pil tenercasa e per las famiglias. Per exemplu in cuors co schelar en carn. Il consum era gest vegnius fundaus ed ins veva drizzau en ina schelentera communabla.

Ils onns sissonta ei era la scoletta vegnida fundada. Quella vegneva buca subvenziunada da lezzas uras e las dunnas han rimnau daners per sustener ella. Ellas han entschiet a far soccas, cozzas, uorden per pops ed otras lavurs manilas ch'ellas vendevan.

Gia baul han las dunnas da Ruschein entschiet ad organisar in suentermiezdi da cumpignia pils seniors.

Dalla bial'entschatta ha l'uniun da dunnauns e mattauns luvrau pil beinstar general e per las famiglias. Pér tec a tec han las dunnas era entschiet a far enzatgei per ellus sezzas. Per exemplu la sera da tscheiver, il viadi annual, ni era cuors che han buca mo da far cul tenercasa.

Per far cassa han ellus denter auter era entschiet ad organisar jass per premi, vendiu pettas e paun ed ils davos onns organisescha l'Uniun da dunnas l'ustria dil lotto dall'Uniun da tiradurs sportivs.

Igl onn 1980 ein era las dunnas da Ladir vegnidas commembras ed il num ei semidaus en Uniun da dunnas da Ruschein e Ladir. L'uniun ha biebein tschien commembras ed ina paletta d'activitads che s'adattescha adina puspei als basegns generals ed a quels dallas commembras.

Activitads dall'uniun

per la pleiv ed il vitg

Lavar ora la baselgia

haver quitau dallas rassas da dumengi'alva

decorar finiastras pigl advent

pils vegls

Organisar il suentermiezdi pils seniors

Visitar ils seniors el spital ed egl asil

pils affons

Segidar cul tscheiver d'affons

Haver quitau dallas rassas da dumengi'alva

per las commembras

cuors: p. ex. cuors da massascha, da jarvas, da liquors, d'arschella, arranschaments da flurs , cuors da cuschinat ...

referats: p. ex. homeopatia, cardientscha ozildi, rir ei saun, ...

il viadi annual

il tscheiver dallas dunnas